



СПОРТ
ГалгIайче
альпинизмах йола
Россе чемпионат хилар

16



ИАЛАМ ЛОРАДАР
Хьун гулакхага хьжа
арабьннаб болхло

15

СЕРДАЛО

WWW.SERDALO.RU

ГIАЛГIАЙ МЕХКА КЪАМАН ЮКЪАРА ГАЗЕТ

№15 (12592)
Бекарга
бутт,
20 ди, 2023 шу



Газет арадувл 1923-ча шера
майтсела бетта 1-ча дийнахьа денз



1973-ча шера
«Сердало»
газета
«Сийлен хьарак»
яха орден
еннай



КХЕТАЧЕ
Кепайоазув
Гордаьнна зама

3



ДАГАЛОАТТАМ
Росгвардейцаша
дешархошта
дийцар, моастагIчун
концлагера тутмакхех

6



ЗУЛАМА ДУХЪАЛА
ГалгIайчен Шолже
«Аз вахар хорж!»
яха болам хилар

7



КАГИРХОЙ ГИУЛАКХАШ
Барт бола тIехье —
мехка толам

8



КХАЛНАЪХА КХОЛЛАМ
Йоккха кхетаче
дIайихьар селий
мехка

10

@gserdalo

vk.com/gserdalo

Дзен сердало

www.serdalo.ru



Наьха уйла еш

СагIа деча моттиге ваха хилар Мехкада

2



Берашта - совгIат

Долакха-Юрта
толамца хьальеш
латт берий беш

4

Кадеташка марха дастиятар царех цхьанне дас-нанас

БІарахой Муслим

Мухьаммад-Пайхамара (дала кьайле цѐнойла цун) аьннад: «Марха дастиятача сага, из кхьабачунна хулаш бола маьл хургба»...

«Бекарга бетта 17-ча дийнахьа, ГІалГай Республика Лоаман кадети корпусе деша ваГІача зІамигача сага дас-нанас марха дастиятта шу оттадир. Дала дІаязболба цо баьккха маьл», — аьлар «Сердало» газетата дешара урхаллене.

Белгалдаккха деза, маьл болча ГІулакхех лаьрхІа да, марха хиннача сагага из дастиятар. Массехк ди мара дисадац беза Рамадан бутт йистебала, Дала хьальэцалда вай даь дика ГІулакхаш.



Беркате ГІулакхаш доаржадар

СаГІа деча моттиге ваха хилар Мехкада

Султиганькъан Йоакъап

Укх езача хана бахархошта саГІа декъаш йолча, Пхьилекъонгий-Юрта йоаллача «Мехка саГІа» яхача моттиге ваха хилар вай мехкада Келаматанькъан Махьмуд-Іаьла.

«Мехкадас дег тІара докка баркал аьлар, цу беркате-ча ГІулакха юкье дакъа лаца мел эттарашта. Тахан, бахархошта эггара чІоагІа эшача хана, даарех диза тІормигаш дІадекъар, бусалба нахаца хила беза дика оаГІув ба. Вай дерригаш а этта, хьал-

лаца дезаш хоза ГІулакх да ер. Безача мархий бетта даь дикаш кьаьстта боккха маьл болаш хургда», — йоах тхога бенача хоамо. Даараш чудола тІормигаш декъача наха юкье ба хала таро яраш, могош боацараш, цхьаь баха боккхий нах, бойла диса бераш, тІема операцен юкье кьонгаш дІабаьнна дезалаш. Белгалде деза, тахан эггара чІоагІа цу моттиге кьаьхегаш, ГІо деш латтараш кагирхой ба, аьнна.

Новкьостал хиларал совГІа, наха юкьера барт, бувзам чІоагІбу иштта дІахьоча, Даьла раьза волча дикаша.



Бусалба адамаш массахана шоайла отташ, эшачунга хьожаш хила деза. Дика ГІулакхаш вайна юкье даржаро тоадергда вай вахара хьал.



Кхачан продукташ елар Наьсаре бахача 200 дезала

БІарахой Муслим

Укх безача Рамадан бетта республике ГІолла ГІалГай мехка кулгалхочо Келаматанькъан Махьмуд-Іаьлас тІадиллача декхарах дІахьош дола «Мехка саГІа» дукхаГІа даржаш латт.

«Из ГІулакх дІахьош, республикан таро йоацача наха дулх а кхачан продукташ а елар. Наьсаре цу тайпара саГІа кхьачар 200 дезалга. Царна юкье бар блухой дезал, царна даим терко лоаттаю», — аьлар «Сердало» газетата Наьсарен администраце зарбан болх лелабераша. Из новкьостал дІакхьачар, дукхаГІа эшаш хиннарашта, белгалдаьккхар цар.



Къамашта юкьера бувзамаш чІоагІлу

Гаьгенаькъан Мартина

Москверча вай мехка викалалаша кхетаче йир, башкирий къамах болча нахаца. Цар дийцар, шин республико вІаший ГІулакхаш леладеш, лоаттабе безача бувза-

мах.

«ВІашаГІкхетаре шаккха оаГІоно соцам бир, цхьана тайп-тайпара кхетаченаш е, аьнна. Кастлуш хила езаш я, футболах йола яхьаш, жІакех йола турнир. Иштта цар

лаьрхІар, Москверча университетте деша баГІача студенташта юкье пайдане, кхетам лакхбеш йола викторинаш дІакхьа», — йоах тхога бенача хоамо.

Къаман политикахи къамашта юкьерча бувзамехи

болча оаГІонна кулгал деш волча Цѐчой Шамала, 2022-ча шера вай мехка викалалаша кагирхошца дІабихьача балхах дийцар кхетаче. Белгалде деза, кьонабарашца болх дІахьош цар яь кхетаченаш 180-га дІакхоачаш йолга.



Журналистий болх белгалбир

Коазой Мадина

ХІанзчул 25 шу хьалха, 1998-ча шера БІаьстан шоллагІча бетта (тушо-ла бутт) 13-ча дийнахьа хьакхеллай Россе журналистий вай мехкара Союз.

Цу шерашка Россе журналистий Союза доакъашхой болаш, дукха журналисташ бар вай республике кьахьегаш.

Цунга хьежжа, вай кьаман эшар кьаьстта ший моттиг, ший оагІув. «Сердало» газета редакце дІайихьар цу ГІулакха вІашагІелла кхетаче. Цу хана газета кулгал деш вар, Ленинградерча университетта журналистий факультет яккха вола, философски Іилман кандидат Озанаькъан Мурад.

Республикерча журналистий СоюзІа кулгалде оттай-ир Овшанаькъан Жансурат. Таханарча дийнахьа из болх дІахьош ва, «ГалгІайче» яхача газета керттера редактор Боканаькъан Шамсудин.



Долакха-Юрта толамца хьалъеш латт берий беш

Султиганаькъан Йоакъап

ГалгІайчен Долакха-Юрта дикача толамашца хьалъеш латт «Велакъажар» яха берий беш. Из болх дІаболабаьбар 2022 шера, «ДегІадар» яхача кьаман программа чубоагІаш, ГалгІай Республикан ГІишлон

Министерствон дехарах, аьнна хоам бир «Сердало» газетага цу боахаме.

«Цун керттера ГІишлонхой ба «Альянс-строй» ООО кьахьегамхой. 80 моттига лаьрхІа керда ГІишло хьалъеш дола доазув да 0,5376 гектар», — йоах

хьабайтача хоамо.

Укхаз карарча хана ГІишлон аьшкабетона гом вІашагІболлаш латт, чура а арахьара а кирпич я Іоюллаш. ГІишлонхой кхоалагІча этажа гІа кхаьчаб, дІахойодача хана, тхов тулларг-болаш, еш кийчо а я.

Из проект лаьрхІа я 80

бера. Хоам бу, таханарча хано дІадеххача беса хьалъеш йолча берий беша лаьрхІача ГІишлон чу, лертгІа берашта хьалаш хургда, уж массе оагІорахьа дегІабоагІаргболаш. Из ГІишло дІачуенна яргьа, 2023 шу йи-стедалалехь.

Наьсаре наькъашкара кІоагаш дІакъувлаш ба

БІарахой Муслим

«Карарча хана Наьсарен-Шахьаре централни даькъ тІа цхьайолча моттигашка даьнна наькъа кІоагаш дІакъовлаш бола болх дІахьош ба.

ХІанз укх сахьате администрацен тоабо кІал кийчо еш бола болх дІабихьаб, кастлуш тишбена асфальт хьал а боаккхаш, наькъаш тоадергда», — аьлар «Сердало» газета корреспондентага администрацен болхлоша.

Цар яхачох, мархаш даьстачул тІехьагІа, шахьара чубоагІача дий даькъ тІара наькъаш, доккхий балхаш деш, тоаде лерхІаш да.



ГалгІайче «ЦаІ йолча Россе» кхадж тоссаргба

Гаьгенаькъан Марина

ГалгІай Республике хьалххе а кхадж тоссаргба «ЦаІ йолча Россе» доакъашхошта юкье, аьлар «Сердало» корреспондентага цу парте моттигерча отделене зарбан болх лелабераша.

«Депутаталла баха безам барашкара дехараш хьачуийде доладаьд. Хьалххе дІахьош болча балха маьтсела (май) бетта 22-ча денгара 28-ча денга кхаччалца, шоай кхадж тассара хьалхара программа гойта езаш ба уж. Из болх дІахьош, кандидаташа шоаш вахара юкье доахаргдолча кердадарех дувца деза, иштта шоаш наха а республиканна а бахьаргболча пайдах а», — аьлар йоах парте викалаша.

Белгалде деза, 2023 шера 85% хоржамашка даька лоацараш политически даькъ тІа хьалхара ба. 16% хІанз депутаташ болаш ба.

Къахьегама министерствос новкъостал ду болх харжа

Коазой Мадина

ГалгІайчен къахьегама, хьаде хІама Іалашдеча Министерствос, кагирхошта болх лаха новкъостал деш, укх деношка Еригроссе балха оттара ярмарка йолча хана, деча хоамий тураш дІахьу дешархошта, студенташта лаьрхІа, йоах боахама зарбан болх лелабераша.

Цу тайпара кийчон болх дІахьош, кагирхой тайп-

тайпарча СУЗашка ух, цига балха говзал Іоаяра; предприятишка болх, балха моттиг лахара.

Иштта къахьегама Министерствос хоамий тур дІахьош; хьала, вахара-лелара колледжа студенташ баха хилар Іаьлий-Юртарча хІамаш тегаца фабрике. Царна дийцар тІабувхабу ГІирс тегара говзалах лаьца, иштта цар таро хилар из шоай тега а. Фабрикан болхлош тешаш ба, уж дийша баьлча, шоаш болча балха боагІаргхиларах.





«Боккхийча наьха къямаьла центр» хъаййллай

Гаягнаькъан Марина

Боккхийча наха шоай мукъа ха пайда а эцаш дIаяхъара, ГалгIайче хъаййллай «Боккхийча наьха къямаьла центр», аьлар «Сердало» корреспондентага Насырен-Шахъара администраце.

«Россе вахара ганза даькьерча наьха хъашташ кхоачашдеш йолча моттиге хъаййллай из. ХIанзчул тIехъагIа пенсе баха ха ярех, керда къямаьлаш дувца нах а кхетаргба цига, цул тIехъагIа шоайла новкъостий а хила тарлу уж. Цу юкъярлонна керттара декхар да, боккхагIболча наьха вахара хъалаш тоадара эшаш йола таронаш лахар», — аьлар доал деча даькъ тIарча болхлоша.

Из программа дика накъяяръя кагирхошта а бокхийчарна а, хIана аьлча боккхийча наьха ший тайпара мах бола вахара поалхам я, из вай кагирхошта накъяяръя дIахо бахача хана.

Яндаре хургда «Дошо ха» яха концерт

ГIазданаькъан Ахьмад

Магаса театра, кино ценетро «Дошо ха» яхача концерте бех вай бахархой. Яндаре дIахьоргдолча концерте наьха дика салаIа таро хургъя, йоах, концерт вIашагIделлараша.

Кхы а лоархIамерIа да, цу

концерте дакъа лоацаш хургбола вай кагирхой Пушкина картах цига баха йиш йолаш хилар.

«Дошо ха» салоIама телевизионни «Зокх» объединене концерт да, цига наьха таро хургъя ашарашка ладувгIарал совгIа, беламга хъожаш дика самукъадаккха. Наха белам баккхара а царга салаIийтара а лярхIа

вIашагIбеллаб из болх. Хъаьший таро хургъя къяман, Россе, дунен цихеза кхолламаш бIаргаго а хаза а.

«Дошо ха» яхача концерте хIаранена кораергъя шийна езаш йола оагIув: ашараш езарашта — ашараш; салоIам, бегаш хургба цига; белам безарий таро хургъя дег чура

бела, цу гIулакха тайп-тайпара вIашагIбелла сакъярдам хургба.

Из дика бахъан да салаIа безам барашта, шоай дезалца е шоашта безарашца; иштга цар таро хургъя кIеззига мукъагIа цIагIарча декхарех мукъабала», — аьлар «Сердало» газетага из кхетаче вIашагIеллараша

Хургбола актёраш хержар

ГIазданаькъан Ахьмад

Магасерча кинох, театрах, кердача лерхIамех болча оагIоно гулбир, кхоллама вахарца кхел ювзае ловш бола кагий нах, мехкарий.

Царех хIаравар дага ва, цкъа театра сцена тIа актёр хинна ше дIахьокха, цъхан хозача кинон юкье керттара роль ловзаеш белгалвала.

Царга массанега хъожаш,

дикагIбараш хоржаш, болх дIабихъар Магасе. «Актёрски говзал гучайоаккхаш йолча кхетаче гулбенабар, дукхача хана денз актёраш хила хъагаш бола кагирхой. КIоанолгаш, байташ, миниатюраш, монологаш ешаш, къахъийгар къонабараша.

ХIаранега дика хъожаш, дерига зувш баьгIар, дикагIбараш харжа ховшабаь кхелахой», — дийцар тха газетага из гIулакх вIашагIделлараша.



Укх шера ГалгIайчен хъунашка цIи яьнна моттиг хиннаяц

Коазой Мадина

ГалгIайчен хъун доозонаш тIа, 2023 шера тушола бетта 13-ча дийнахъа денз лайчиллан бетта 30 денга кхаччалца, цIи ялара кхераме ха я, аьнна, хъакхайкадаьд.

Из хъакхайкадича денз, цъба бутт совгIа йолча хана, хъунашка цъхаккха моттиг яц цIи яьнна, аьлар ГалгIай Республикан Iалама министерствон зарбан болх лелабераша.

Хъунашка ха деш болча болхлоша даим цунна тIахьожам лоаттабу, цигара хъал дика хилийта дагахъа.

Iалам лорадераша даим наха хъалхадоккх, хъунашка цIи ялара кхерамзленна Iалашо хила езилга, дийнача Iаламца дика хила везилга, из наха эшаш хилар диц ца деш хила везилга.

ЦIерца кхерамзленна Iалашо еча хана, наха шоаш а лораду из хъал.

ЦIерах лоралуш хила веза, хъунагIа цIи лотае йиш яц, йокъяенна гаьний ткъовронгаш а, лоталургIоацаш, лорае еза. ЦIи ялара кхерамзлен бокъонаш лелае еза хъунашка, из Iаьдало дIадехар да. Нагахъа санна хъунагIа цIи яьнна моттиг хуле, цунах сикха хоам бе беза укх номерах, ху лораеча болхлошка: 8-800-100-94-00 (мах боацаш телефон тоха йиш я).

ГалгIайче Заьзганаькъан Бахъаудина вахар, кхоллам дагалаьцар

Гаягнаькъан Марина

ГалгIайче, йоазанхо, таржамхо Заьзганаькъан Бахъаудин ваь 115 шу дузаш хиларца дувзадenna, Заьзгакъонгий-Юрта деша дагIача берашца «Йоазанхо фронтвик» яха къямаьл дIадихъар, аьлар «Сердало» газета корреспондентага библиотекан болхлоша.

«Из кхетаче дIахьош, дешархошта дайзар йоазанхо чун вахар, из Сийлахь-боккхача Даьймехка тIом лаьтгача 1941-1945 шерашка мишта белгалваьлар, ше тIема корреспондент хиларах тарра.

Къаьстга теркам тIабахийтар библиотека

болхлочо Заьзганаькъан Бахъаудина кхоллама. Бераша а дийцар цун кхолламах, уж дар «Ши доттагIа», «Сийрда-

ча наькъ тIа», «Хозал - делкъелца, дикал - валлалца». «Дега гIозале», «Советски сага лоIам», — йоах хоамо.

Белгалдоаккх, ГалгIайчен йоазанхо ваь ди бекарга бетта дийтлагIача дийнахъа хилар.





Къахъегамхоех дикагІбараш белгалбергба

Султиганъкъан Йоакъап

2021-ча шера д I а й о л а й и р , дикагІбола юртбоаха-ма къахъегамхой белгалбеш йола яхъаш. Мехкадас Келаматанъкъан Махъмуд-Іаьлас соцам баь, дІадоладаь дола из беркате гІулакх, тахан вай къаман Іадат хинна дІаэттад. Укх шера а белгалбергба дикка къахъегаш хъабоагІараш. Таханарча дийнахъа, яхъаш дІаяхъара болх кийчбеш латт республике. Яхъашта юкъегІоргба, зизаш кхедеш къахъегараш а.

«Хъасаш, сомаш, комараш шоай коарча бешамашка кхееш санна, цъабараша геттара чІоагІа дезаденна леладу зизаш кхедеш дола гІулакх. Из хІама юстара диса йиш йолаш дац! Цудухъа, укх шера дІахьоргІолча яхъашта юкъе дакъа лоацаш, зизаш леладераш хургба», — белгалдир Мехкадас ший къамаьла юкъе. Хъалха хиннача яхъашка дакъа лоацаш, ах эзар хиллал къахъегамхой хиннаб.

Цу мугІаре белгалбала ловраш, хІара шера дукхагІа хулаш латт. Мехкадас белгалдир, ший коа кхебаь цІена кхача вай къаман юкъе массахана дика лоархІаш хиннаб, аьнна.

Цъаьккха хІама кхоачаргдац ший кулгашца къахъегаш чуййчаца хІаманга. Эггара унахцІенагІа дола даараш ше кхедараш да.



Росгвардейцаша дешархошта дийцар, моастагІчун концлагера тутмакхех

Султиганъкъан Йоакъап

ГІалгІайчен Росгвардейцаша дийцар, моастагІчун концлагерашка чубехка нах мукъабьаьхача дунен халкъашта юкъерча денах, аьлар «Сердало» газетага федеральни Іаьдала зарбан болх лелабераша.

«ГІалгІай Республিকে ГІолла йолча Росгварде урхаллен по-

лице майора Исмейланъкъан Аслана Наьсарен ишкола дешархошта дийцар, концлагера тутмакхаш мукъабьаьха Ергирроссе ди бекарга бетта цъаьйттлгІа дийнахъа хилар.

Цу дийнахъа 1945 шера эггара йоккхагІйолча Бухенвальда коцентрационни лагере лаьца боакха нах гІайттар, цул тІехьагІа чубехкача наьха таро хилар, Нюрнбергски халкъашта юкъерча судага хиннар

дІадуьца, цигга дерригача дуненна бІаргаьйра моастагІчун юхьмараш», — йоах хъабайтача хоамо.

Иштга кьонача ладувгІархошта довзийтар, цига лаьца баьккача наха тІалоатгадеш хинна Іазап, герзаш деттар, уж халбата боаккабар, миллионаш бехк боацача наха гитлеровцаша човнаш яр, дерригача адама духъала даь зулам из хилар.

«Уж халонаш лайнача наьха цу Іазапа духъальотта низ хилар, тахан вайна масал гойташ да из, цІаккха а фашизма кьизал йиц ца йолийташ.

Кхувш йоагІаца тІехьенна ха дезаш да, малагІа мах бенна, Сийлахь-йоккха Котало яьккхай», — аьлар полице майора Исмейланъкъан Аслана, из лоархІаьме кхетаче чакхйоалаш.

Яхъашка дакъа лоацаш ба кванторианцаш

Гаьгенаькъан Мартина

«Кванториум» яхача берий технопарка доакъашхой дакъа лоацаш ба, Анапе дІахьош йолча «Хъалхара оатхал» яхача яхъашка. «Смена» яхача ерригача Россе берий моттиго хъаллоацаш, дІахьош я из кхетаче.

Магасерча «Кванториумера» виь доакъашхо вахав Анапе. Яхъашка тІадиллача декхарах, водородаца болх беш йола, йоккхача машена цъаь оатхал вІашагІйолла езаш дар вай бераш. Пхе оагІонца дола хІамаш Јомадеш, кийчо йир цар яхъаш йолаьлалехь.

Царна байзар токаца, электроникаца, электрохимеца, энергетически чоалхаш хъарца бувзабенна болх», — дийцар тха газетага «Кванториума» болхлоша.



Кердадараш юкъедоахаргда ишколашкка



Гаьгенаькъан Мартина

Таьрахий кІийленах латтача «Сферум» яхача хоамий каналах дІахетта хургья ишколаш. Из хоам тахан бу дешареи Іилмани гІулакхах йолча министерствос.

«Дешарах йолча пхе програмаьх латташ я кІийле: РФ дешара гІулакхах йолча министерствон оагІув; цу моттиге мел дола кер-

дадараш, хувцамаш гойташ бола оагІув; Россерча ишколашккара хоамаш дувцаш бола оагІув; «Россера педклассаш» яха оагІув; «ЛоархІаьме къамаьл» яха, хъехархошца бувзам лелабу оагІув», — йоах тхого бенача хоамо.

«Сферум» яхача сайта юкъедоаладаьча кердадараша, шоай болх дикагІа дІабахъа аьттуь лургба хъехархошта, дешархошта, иштга цу даькъ тІарча министерствон.



Хъехархочо пайда эц «Свет онлайнах»

МоллагIа волча хъехархочоа хьалхашка латта керттера декхараш да: бехктокхаме, нах безаш, лоархIаш хилар; ше хьалхадоккхаш дола моллагIа хIама, сага дIаэцаргдолчча тайпара духьалдахьа хар. Хъехархочун оамалаш, цун никь геттара нийса, цIена, кхычар масал эцаргдолаш хила беза.

Ишттачарех йолаш хьайоагIа, ше къахьегаш мел йоаккхача хана, хьалхарча классашкарча берашта хьехаш йола ЖIайрахьара хъехархо Ляьнанькъан Малика. Ший вахаре мел дола хIама нийса, хила доагIача боараме леладеш, яха Iема саг я Малика.

«Россети Кьилбаседа Кавказ» яхача моттига хьалхашкара ший декхараш а бехктокхам а бизза кхетабу цо. «Ший Iалат кхетадеш хилар, нийса-ча хIаман тIехьа латтар, деша да хилар, Iаьдала дIадала доагIар ханнахьа дIадалар тешамеча сага оамалаш я. Уж оамалаш дегIаца чIоагIьеш, кхее еза вай таханара тIехье а. ХIаьта берашта хьалхадоккхаш дола хIама, воккхэгIа ше лорадеш, леладеш хила деза. Ший цIагIа, ишколе, ерригача юрта йоагаш йолча сердала хам бе беза сага. Ханнахьа цох доагIар дIадаларо хьагойт, хам беш хилар», — белгалду ший къамаьла юкье хъехархочо.

Токах доагIа ахча Маликас дIател, «Сердал онлайн» яхача оагIонца гIолла. ДIадахача шера бIаьстан хьалхарча бетта юкьеодоаладаьд из сердал лоаттаеца моттиго. Цу оагIонца гIолла атта да из болх дIахьош, цул совгIа, моллагIа долча хаттара жоп а цу чура деша йиш я. «Сердал онлайн» яха мобильни оагIув чIоагIа ешаш вIашагIделла хIама да, аргдар аз. МоллагIа, хьайха безам бола хIама, цу чугIолла довзаргда хьона. Массане телефонашка латта дезаш, хIама да из», — белгалдир хъехархочо.

ГIалгIайчен Шолже «Аз вахар хорж!» яха болам хилар

Султиганькъан Йоакъап

Шолжа-Шахьара наркотикашца къовсам лоаттабара йолча комиссе секретара Дарсиганькъан Аминас, Россе МВД «Сунженский» оалача МО, ПДН болхлоша «Аз вахар хорж!» яха наркотикашта духьала къовсам лоаттабар дув-

цаш, кхетаче дIайихьар, аьлар «Сердало» газетага шахьара мэре.

«Из кхетаче дIахьош, дешархоша шойла къамаьл деш, дайзар цунах хьадоала зе мел доккха да, наркотикаш лелаераша шой унахцIено мел чIоагIа кIалбют.

Иштта дийцар уж лелаеш, тохаш, йохкаш вола саг Iаьдало уголовни бехктокхаме озаш хиларах а цунах царна мел чIоагIа зулам доал а», — йоах хьабайтача хоамо.

Дешархошта юха а хьалхадоккхар, наркотикаш — уж саг вувш йола молхаш йолга. МоллагIа хьале мара саг ца

хиларах, вахар харжа деза цо, корта бохобеш йолча хIамашта сага вахаре моттиг хила йиш яц.

Кьонача дешархошта, наркотиках доалаш дола зе а цунах бола кхерам а тIаболаш, каьхаташ (буклеташ) делар кхетаче истейоалача хана.

ЙоккхагIа классашта довзийтар, цIера духьала къовсам мишта лоаттабу



Коазой Мадина

Лакхерча классай берашта, Ерригроссе ярмарка дIаяхьа кийчлуш, республикан цIерах кIалхарвоаккхача колледжо ший дешар довзийтар, аьнна хоам бир ГIалгIай Республикан къахьегаме Министерствон зарбан болх лелабераша.

Ци йоаеш болчар гIирс шоашта тIабийха, лакхача гIишлон тIабала а юха

IокIалбала а хъежар, шойни низ а таро а йовза дага бола дешархой, иштта царна дайзар лаьрххIа дола нах кIалхарбоахача эша гIирсаш.

«КIалхарваккхара балха керттердар довзийтар дешархошта. Из хиларал совгIа, берашта из болх безалургбола оагIув гойтар, цар тIехьагIа професси хоржаш хилча, цунна терко ергйолаш», — аьлар къахьегара, гIулакха тIа хилара (занятость) йолча Министерствос.

Наьсарен-Шахьаре, мархашка кийчлуш, къахьегаме шоатта дир

БIарахой Муслим

Бекарга бетта пхийтлагIа дийнахьа, хьатIадоагIача Идаль-Фитр (мархашта) кийчоеш, Наьсарен администраце болхлоша шоатта дийнахьа белхий бир, аьлар «Сердало» газетага доал деча даькъ тIарча зарбан болх лелабераша.

«105 массив» оала доазув хержар белхий бе дагахьа, ши сахьат ха ялалехь, арабаьннача болхлоша из деррига доазув

цIендаь даьккхар.

Белхий беча даькъа лоацаш хилар шахьара совета депутатий кулгалхо Бохтаранькъан Ювсап. Доал деча даькъ тIарча администраце беррига болхлош а цу дийнахьа белхий беш, лостам беча даькъа лоацаш хилар», — аьлар Наьсарен мэре.

«Цьхана къахьегача наха беш бола болх хIаранена дикача оагIорахьара Iаткъаш хул, цул совгIа, кхувш йоагIача тIехьенна дика масал а хул цох», — аьлар цу балха доакъашхочо.





Ценош лацара мах ше хиннар ба

Султиганакъан Йоакъап

Діадахача шерга хьежача, укс шера цІа, квартира лацара маьхаш дукха айденнадац. Из хьахьекхар тха газето ДІабихьача тохкама балхо.

«2023-ча шерара маьхаш, вай республикерча йиь шахьарера хьал теркалди-ча, кхы дукха башхо йоа-цаш, Діадахача шера лаятта-ча тайпара да. Масала, Магасерча бахархоша шоай до-олахьара квартираш нахага дІател, мах 15-25 эзар сом доаккхаш. Квартирий йок-кхалга, дикалга хьежжа от-таду маьхаш».

Ишттача хьале латтар из гІулакх 2022-ча шера а. Цу гІулакха болча болхлоша яхачох, тайп-тайпарча моттигашка, цкъа айлуш, тІаккха юха Іолохлуш, хувцалуш латт квартирах тела мах. Цу гІулакхаца дувзаденна долча экономически хьалага хьежжа да деррига а.

Хьун гІулакхага хьяжа арабаьннаб болхлой

Коазой Мадина

Ара дІайха денош хьаоттар-ца, хьун гІулакхага хьяжа арабаьннаб цу даькъ гІара болхлой. Укс наькъа из болх дІахьоргба Шолжа-Кхалерча (районерча) хьун мотти-гашка.

Лаяттанцара балхаш дІахьоргда 20 гектар долча доазон гІа. Из беркате гІулакх дІахьош да «Лорае хьунаш» яхача федераль-ни, «Экологи» яхача къаман проекташка гІолла. Лакхера ІотІадоахача сурташца тох-каргда, гаьнаш йоацаш даьс-

са дада хьун юкьера лаят-таш. Керда гаьнаш дІайогІаш болх дІахьоргба ишттача моттигашка. Ахкан хьалхар-ча бетта дІаболабергба из болх», — дийцар тха газетага цу гІулакха бехктокхаме ба-раша.

Шолжа-Кхалерча хьун

моттигашка цу тайпара болх 2007-ча шера баьбар. Оал-камара, Іарамхера, Муже-чара, Галашкара, ГІажарий-Юртара, ГІаргамара, Чамал-хара хьун тІахьожам лоат-табу болхлой юкье болаш, 65843 гектар долча доазон гІа болх дІабихьабар цу хана.



Оалхазара гІо дир


БІарахой Муслим

Шолжа-Шахьарерча хьайбашка хьожаш йолча дарбанче, кІалдиса дарта (гриф) яха акха оалхазар дахьаш вера Галашкара вахархо.

Хьежача хьайбай лора-ша теркалди, оалхазара дегІаца дукха лазараш долга. «Бедарех лета дийна хІамаш йоаеш йола молха хьекха, бактереш йоаеш йола хІама молаяь, шийна могоар деш, гІо де хьежар лор мискача оалхазара. КІинга чу чухоа-дир оалхазар, дІахойодача хана тІахьожам беш, дарба дІахьоргдолаш.

Дарба йистедаьнна дикка тоаделча, ший аренаш-ка дІахецаргда из юха», — йоах тхога бенача хоамо. Дарта оалаш дола оалхазар йІайхача моттигашка хулаш да. Хьунаш, гувнаш долча моттигашка да цар вахар.

Россе уж даьржа дола моттигаш, вай мошки, Крас-нодари, селий мошки ба.



ХозагІйола моттигаш белгалйир

Султиганакъан Йоакъап

БІаьстан ха юкьекхьяьча, Іалама сурт геттара хоза тоалуш латт. Республике-ра эггара хозагІбола кхо кхуркхолг белгалбир. Уж да Лаьжгера, Фуртогера, Эса-Чожера кхуркхолгаш.

Цу хозача моттигаш лаьца язду шоай телеграм-кана-ле Москверча вай республи-кан викалаша. «Царех хІара моттиг, Дала хоза кхелла, моллагІчун царех бІаргтоха дог оттаргдолаш я.

Дувцилга а доацаш, дІаьхий да вай мехкара Іалам,

цунга хьежжа, хІара моттиг лораеш, доал деш дІадаха деза вай», — язду республи-кан бахархоша кхуркхолгаш дувцача.

МоллагІа йолча хана, бІаргтоха йиш йолаш бола Лаьжгера кхуркхолг пхи метр шера ба. Вай мехкара эггара

боккхагІбола кхуркхолг ба из.

Цох дІакхет Іарамхин то-атолг Лош-хий, Лаьжга гув-нашта юкьегІолла дода из. Геттара цІена, чаме долча цун хиво цІеначкъаьра ле-лабу. Барайтта метр лакхера ІочудоагІа цун дото тоатол-гаш.

сердало

Учредители:
Правительство
Республики Ингушетия и
ГАУ «Общенациональная
газета «Сердало»

Главный редактор:
Курскиева Х.А.

Адрес Правительства РИ:
360001, г. Магас,
пр. И. Зязикова, 12.

Адрес редакции и издателя:
Республика Ингушетия,
386101, г. Назрань,
Тер. Центральный округ
пр. И.Базоркина, 60.
Тел.: 8 (8734) 77-11-84
Бухгалтерия: 8 (8734) 77-10-85.

Газета зарегистрирована
Управлением Росохранкультуры
по ЮФО.
Рег. номер ПИ № ФС 10-6526
от 5 марта 2007 г.

E-mail: serdalo@yandex.ru
Сайт газеты: serdalo.ru.

Набор и верстка произведены в
компьютерном центре редакции
газеты «Сердало».

Время подписания номера
по графику в печать:
19 апреля 2023 г.
Фактически 17:20.

Точка зрения авторов может не
совпадать с позицией редакции.
При перепечатке
ссылка на газету обязательна.
Письма, рукописи, фотографии,
рисунки не рецензируются и не
возвращаются.
Свободная цена

Газета отпечатана в издательстве
«Южный регион»,
с готовых диапозитивов
Адрес: 357600, Ставропольский край,
г. Ессентуки, ул. Никольская, 5.
Заказ № 1435 Тираж: 2000 экз.

